

萬有文庫

第二集七種

王雲五主編

唐百家詩選

(上)

王安石選

商務印書館發行

唐百家詩選

(上)

王安石選

國學基本叢書

五、四、四、北、二、九

唐 百 家 詩 選

(下)

王 安 石 選

國 學 基 本 叢 書

6622

王雲五主編
萬有文庫
第二集七百種
唐百家詩選
二冊

中華民國二十四年九月初版

編輯者

王安石

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

C 五二二

章

7000

序

昔予嘗購求王荊公唐百家詩選二十卷。廬得殘帙八卷於江南藏書家。庚辰秋。舉示山陽故人子丘邇求。邇求好學嗜古。請依舊式重梓。以廣其傳。予甚誼之。因序其首。略云。夫物莫不聚於所好。而天地之氣。有開必先。故好龍而龍降。市駿而駿來。天下之大。安知更無嗜古如邇求者。或別購其半。則幾乎全矣。及梓成。果大行於時。寶愛之者。比于吉光片羽。莫不思復得河東三篋。以觀其全焉。先是吳中毛黼季氏喜刊古本。而家中藏書最多。予因屬其勤求是選。黼季敬諾而去。旁搜遠索。無日以怠。今癸未秋。黼季來謁。予曰。日者展游江陰。親見王荊公唐百家詩選二十卷於某氏藏書家。特來告公。予驚喜。趣購得之。凡所亡十二卷皆在焉。總數之。得百有四家。而曰百家者。舉成數也。有乾道己丑盤谷倪仲傅後序。夫荊公沒。至孝宗乾道時。不過六七年間。而序已云。唐百家詩選淪沒於世。蓋由北轅南渡。播遷喪亂中。其所亡失書籍。固不止此也。亦可慨夫。況乾道至今。又六百年。而予寤寐之求甚久。一朝忽得。殆如香山居士所云。在在處處有靈物護之者乎。於是復招邇求。補刊十二卷。俾成完書。公諸同好。此固陳農之所不能求。而張安世之所不及識者也。天下賞心樂事。無踰於此。昔雷煥得豐城雙劍。以爲靈異之物。終當化去。留一自佩。送一與張華。華報書曰。詳觀劍文。乃干將也。莫邪何復不至。雖然。天生神物。終當合耳。其後果化延津之雙龍。噫。物莫不聚於所好。凡好之而不篤。篤而不久。久而怠倦以忘者。吾未見其能聚也。非邇求嗜古。先梓其半。以爲之招。而黼季又爲予勤求歷久而不倦。其能終合乎哉。是故精誠之至。可以貫金石。

唐百家詩選 序

而通神明，凡事盡然。此其一徵也。康熙癸未中秋，西陂宋犛識。

序

音有妙而難賞。曲有高而寡和。古今通然。無惑乎唐百家詩選之淪沒於世也。予自弱冠。肄業於香溪先生門。嘗得是詩於先生家藏之祕。竊愛其拔唐詩之尤。清古典麗。正而不冶。凡以詩鳴於唐。有驚人語者。悉羅於選中。於是心惟口誦。幾欲裂去夏課而學焉。先生知之一日。索而鑰諸笥。越至於今。不復過目者有年矣。頃有親戚游宦南昌。因得之於臨川。以歸。首以出示。發卷數過。不啻如獲遺珠之喜。惜其道遠難致。且字畫漫滅。近世士大夫嗜此詩者。往往不能無恨。故鏤板以新其傳。庶幾丞相荆國公銓擇之。意有所授於後人也。雅德君子。儻於三冬餘暇。玩索唐世作者用心。則發而爲篇章。殆見游刃餘地。運斤成風矣。乾道己丑四月望日。蘭皋盤谷倪仲傳書。

王荊公唐百家詩選序

余與宋次道同爲三司判官時。次道出其家藏唐詩百餘編。諉余擇其精者。次道因名曰百家詩選。廢日力於此。良可悔也。雖然。欲知唐詩者。觀此足矣。

萬有文庫

第二集七百種

總編纂者

王雲五

商務印書館發行

目錄

第一卷

明皇二首

劉希夷九首

盧象十首

德宗一首

王適一首

孟浩然三十三首

薛稷一首

韋述一首

第二卷

高適上五十九首

第三卷

高適下十二首

岑參上五十首

第四卷

岑參下三十一首

儲光羲二十一首

崔國輔二首

崔顥七首

陶翰一首

常建三首

第五卷

王昌齡二十三首

李頎二十四首

戎昱十六首

第六卷

沈千運四首

王季友二首

于遯二首

孟雲卿五首

張彪四首

趙微明三首

元季川四首

殷遙二首

李嘉祐十二首

姚係二首

雍裕之二首

蔣渙一首

陳羽五首

楊衡七首

第七卷

戴叔倫四十七首

郎士元二十一首

第八卷

錢起六首

盧綸三十六首

司空曙二十五首

第九卷

耿漳六首

李端九首

于武陵八首

熊孺登一首

張繼三首

包佶四首

包何一首

鮑防二首

張登二首

皇甫冉上二十首

第十卷

皇甫冉下六十五首

第十一卷

劉商九首

李約三首

寶羣一首

羊士諤十七首

寶常二首

寶庠一首

長孫佐輔十三首

寶牟一首

寶羣八首

第十二卷

楊巨源四十六首

王建上二十四首

第十三卷

王建下六十八首

第十四卷

武元衡四首

令狐楚四首

劉言史十七首

張碧二首

李涉三十七首

第十五卷

盧仝十三首

于鵠三首

朱慶餘一首

張祜十三首

曹唐二首

賈島二十三首

趙嘏六首

第十六卷

許渾三十二首

項斯十二首

李頻十九首

第十七卷

李遠五首

雍陶二十五首

章碣四首

施肩吾一首

陳陶六首

李羣玉七首

章孝標一首

馬戴三首

劉得仁二首

高蟾三首

崔塗八首

第十八卷

李郢十八首

薛逢三首

鄭畋一首

薛能二十六首

秦韜玉四首

羅鄴五首

皮日休六首

第十九卷

劉滄四首

劉威一首

曹松十四首

張喬二首

曹鄴一首

崔魯十二首

張蠟六首

劉駕一首

王駕四首

杜荀鶴四首

第二十卷

吳融二十七首

韓偓五十九首

王荊公唐百家詩選卷第一

明皇二首

早渡蒲關

鍾鼓嚴更曙。山河野望通。鳴鑾下蒲坂。飛旆入秦中。地險關逾壯。天平鎮尙雄。春來津樹合。月落戍樓空。馬色分朝景。雞聲逐曉風。所希常道泰。非復俟繻同。

經魯祭孔子而歎之

夫子何爲者。栖栖一代中。地猶鄒氏邑。宅卽魯王宮。歎鳳嗟身否。傷麟怨道窮。今看兩楹奠。當與夢時同。

德宗一首

送徐州張建封還鎮

牧守寄所重。才賢生爲時。宣風自淮甸。授鉞膺藩維。人覲展遐戀。臨軒慰來思。忠誠在方寸。感激陳情詞。報國爾所向。恤人予是資。歡宴不盡懷。車馬當還期。穀雨將應候。行春猶未遲。勿以千里遙。而云無已知。

薛稷一首

秋日還京陝西十里作

驅車越陝郊。北顧臨大河。隔河見鄉邑。秋風水增波。西登咸陽途。日暮憂思多。傳巖旣紆鬱。首山亦嵯峨。操築無昔老。探微有遺歌。客遊旣回換。人生知幾何。

劉希夷九首希夷字庭芝武后時

故園置酒

酒熟人須飲。春還鬢已秋。願逢千日醉。得緩百年憂。舊里多青草。新知盡白頭。風前燈易滅。川上月難留。卒卒周姬旦。棲棲魯孔丘。平生能幾日。不及且遨遊。

晚憩南陽旅館

旅館何年廢。征夫此日過。途窮人自哭。春至鳥還歌。行路新知少。荒田古路多。池篁覆丹谷。墳樹遶清波。日照蓬陰轉。風微野氣和。傷心不可去。回首怨如何。

採桑

楊柳送行人。青青西入秦。誰家採桑女。樓上不勝春。盈盈灞水曲。步步春芳綠。紅臉曜明珠。絳唇含白玉。回首渭橋東。遙憐樹色同。釵梳映落日。綉綺弄春風。攜籠長歎息。逶迤戀春色。看花若有情。倚樹疑無力。薄暮思悠悠。使君南陌頭。相逢不相識。歸去夢青樓。

代閨人春日

珠簾的曉光。玉顏豔春彩。林間鳥鳴喚。戶外花相待。花鳥惜芳菲。鳥鳴花亂飛。人今伴花鳥。日暮不能歸。池月憐歌扇。山雲愛舞衣。佳期楊柳陌。攜手莫相違。

秋日題汝陽潭壁

獨坐秋陰至。悲來從所適。行見汝陽潭。飛羅蒙水石。懸瓢木葉上。風吹何歷歷。幽人不耐煩。振衣步閑寂。回流清見底。金沙覆銀礫。洛水非一丈。空隴幾千尺。魚鱗可憐紫。鴨毛自然碧。秋水弄清光。渺焉忘損益。遊山隨形影。清濁混心跡。歲暮歸去來。東山余宿昔。

代悲白頭翁

洛陽城東桃李花。飛來飛去落誰家。洛陽女兒惜顏色。行逢落花長歎息。今年花落顏色改。明年花開復誰在。已見松柏摧爲薪。更聞桑田變成海。古人無復洛城東。今人還對落花風。年年歲歲花相似。歲歲年年人不同。寄言全盛紅顏子。須憐半死白頭翁。此翁白頭真可憐。昔紅顏美少年。公子王孫芳樹下。清歌妙舞落花前。光祿池臺間錦繡。將軍樓閣盡神仙。一朝臥病無人識。三春行樂在誰邊。宛轉蛾眉能幾時。須臾鶴髮亂如絲。但看舊來歌舞地。唯有黃昏鳥雀悲。

巫山懷古

巫山幽陰地。神女豔陽年。襄王伺容色。落日望悠然。歸來高堂夜。金缸燄青煙。顏想臥瑤席。夢魂何翩翩。搖落殊未已。榮華倏徂遷。愁思瀟湘浦。悲涼雲夢田。猿啼秋風夜。雁飛明月天。巴歌不可聽。聽此益潺湲。

春女行

春女顏如玉。怨歌陽春曲。巫山春樹紅。沅湘春艸綠。自憐妖豔姿。粧成獨見時。愁心伴楊柳。春盡亂如絲。日極千餘里。悠悠春江水。頽想玉關人。愁臥金閨裏。尙言春花落。不知秋風起。嬌愛猶未終。悲涼從此始。憶昔楚王宮。玉樓妝粉紅。纖腰弄明月。長袖舞春風。容華委西山。光陰不可還。桑林沒東海。富貴今何在。寄言桃李容。胡爲閨閣重。但看楚王墓。唯見數株松。

孤松篇

露月桑葉青。鶯時柳花白。澹豔煙雨滋。敷芬陽春陌。如何秋風起。零落從此始。獨有南澗松。不歎東流水。玄陰天地冥。皓雪朝夜零。豈不罹寒暑。爲君留青青。青青好顏色。落落任孤直。羣樹遙相望。衆艸不敢逼。靈龜卜真隱。仙鳥棲息。恥受秦帝封。願言唐侯食。寒山夜月明。山冷氣清清。淒兮歸風集。吹之作琴聲。松子臥仙岑。寂聽凝野心。清冷有真曲。樵採無知音。美人何時來。幽逕委綠苔。吁嗟深澗底。棄捐廣廈材。

王適一首

詠江濱梅

忽見寒梅樹。開花漢水濱。不知春色早。疑是弄珠人。

韋述一首

晚度伊水